



**Infurmaziuns/renviaments
per ils geniturs resp. per educaturas ed educaturs
pertutgant l'examen d'admissiun per la 3. classa dal gimnasi sco
era per la 1. classa da la scola media spezialisada e la scola media
commerziala a las scolas medias grischunas 2017**

1. Basa legala

Per l'examen d'admissiun per la 3. classa dal gimnasi, sco era per la 1. classa da la scola media spezialisada e la scola media commerciala vala l'Ordinaziun davart la procedura d'admissiun a las scolas medias grischunas (ordinaziun d'admissiun; DG 425.060). L'Ordinaziun pon ins retrair dals secretariats da las singulas scolas medias u telechargiar da l'internet (p.ex. <http://www.ahb.gr.ch>).

2. Termin d'annunzia e data da l'examen

L'ultim termin d'annunzia è glindesdi, **ils 16 da schaner 2017**.

L'annunzia succeda via internet (<http://www.zap.gr.ch>). La taxa d'examen munta a 100.-- frs. Annunzias retardadas na pon betg vegnir resguardadas (art. 6 al. 3 ordinaziun d'admissiun).

Ils examens d'admissiun han lieu mardi, **ils 14 da mars 2017**.

3. Emprima lingua

Tenor art. 6 alinea 2 da l'Ordinaziun decleran las candidatas ed ils candidats ensemen cun las educaturas u ils educaturs (titulars da la tgira da genitur) en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.

4. Roms d'examen

Tut las candidatas ed ils candidats fan l'examen d'admissiun en

- l'emprima lingua (tenor decleraziun en l'annunzia)
- anglais
- aritmetica ed algebra
- geometria

5. Pretensiuns

Las pretensiuns per l'admissiun ad ina scola media grischuna èn circumscrittas pli detagliadamain en las disposiziuns davart las enconuschientschas preliminaras (Bestimmungen über die Vorkenntnisse). Quellas pon ins retrair dals secretariats da las singulas scolas medias u telechargiar da l'internet (p. ex. <http://www.ahb.gr.ch>). Infurmaziuns correspundentas dattan era magistras e magisters da la scola populara, sco era las singulas scolas medias.

6. Criteris d'admissiun

Tenor art. 22 alinea 2 cif. 2 e 3 da l'Ordinaziun d'admissiun da la regenza ston ins per passar l'examen d'admissiun en la 3. classa dal gimnasi cuntanscher ina media da 4.5, per passar l'examen d'admissiun en la SMS/SMC ina media da 4.0. Ultra da quai na dastgan las notas dals roms examinads betg esser pli che 1.5 puncts sut 4 (notas sut 4) e quai per tut las partiziuns.

7. Nota d'admissiun

Las candidatas ed ils candidats che fan l'examen d'admissiun suenter la 2. classa da la scola secundara, han il dretg d'ina nota d'admissiun. Tut las autras candidatas e candidats na pon betg far valair quest dretg.

La nota d'admissiun vegn calculada tenor da l'ordinaziun d'admissiun.

8. Access a la scola media spezialisada resp. scola media commerciala

Las candidatas ed ils candidats, ch'absolvan l'examen d'admissiun suenter la 2. classa da la scola secundara, entran en la scola media spezialisada, resp. en la scola media commerciala, l'onn da scola **2018/2019**.

Las candidatas ed ils candidats ch'absolvan l'examen d'admissiun suenter la 3. classa da la scola secundara, pon entrar sin dumonda en la scola media spezialisada, resp. en la scola media commerciala, l'onn da scola **2017/2018**.

9. Cumportament en cas d'impediments e da malsogna

- Sch'ina candidata u in candidat ha problems da sanadad u ha impediments, èsi da communitgar quai a la direcziun dal lieu d'examen sco era al secretariat per l'examen (Gäuggelistrasse 7, 7000 Cuira; steuerungsgruppe@ahb.gr.ch), cun agiutar in attest dal medi sche pussaivel a medem temp cun l'annunzia, il pli tard **però** avant l'examen.
- Las candidatas ed ils candidats che na pon betg far l'examen causa da problems da sanadad imprevis u d'in accident, han da communitgar quai a la direcziun dal lieu d'examen sco era al secretariat per l'examen (Gäuggelistrasse 7, 7000 Cuira; steuerungsgruppe@ahb.gr.ch) il pli spert pussaivel, il pli tard dentant **avant** l'examen e mussar in attestat dal medi.
- Las candidatas ed ils candidats che **durant** l'examen na pon betg al cuntinuar causa da problems da sanadad imprevis u d'in accident han d'annunziar quai immediatmain a la direcziun dal lieu d'examen e purtar il medem di anc in attestat dal medi. **A medem temp** sto vegnir orientà era il secretariat per l'examen (Gäuggelistrasse 7, 7000 Cuira; steuerungsgruppe@ahb.gr.ch).
- Problems da sanadad u impediments che vegnan fatgs valair memia tard resp. posteriurmain na pon betg vegnir resguardads. Cunzunt las candidatas ed ils candidats che fan l'examen savend da lur periclitaziun da sanadad u impediments, n'han nagin dretg d'ina annullaziun resp. d'ina repetiziun da l'examen.

10. Examens supplementars

Resguardond las disposiziuns menziunadas sura (guarda cif. 9) decida la gruppia direttiva examens d'admissiun davart l'admissiun a l'examen supplementar e davart la dimensiun dal tal.

Ils examens supplementars han lieu a la Scola chantunala grischuna a Cuira: **mardi, ils 16 da matg 2017.**

11. Material e meds auxiliars

Als examens ston las candidatas ed ils candidats purtar cun sai material da scriber, calculatur da giaglioffa, circol, lingera, geotriangul e palpìri. Per l'examen dastgan vegnir duvrads mo ils documents dals examens e fegls agiuntads mess a disposiziun (nagin agen palpìri da notizias). Tut ils exercizis èn da schliar directamain sin ils documents d'examen. Ils palpìris agiuntads pon ins duvrar sin il pli per far notizias.

Ils examens ston vegnir scrits cun **culli** ("Pilotstifte" èn permess) u **tinta** (cun excepziun dals dissegns geometrics).

Durant ils examens n'èsi betg lubì da duvrar dicziunaris monolings u bilings u dicziunaris electronics sco era telefons mobils (telefonins) u auters meds d'agid.

Il calculatur da giaglioffa dastg'ins mo duvrar per quellas parts da l'examen, nua che quai è previs explicitamain.

12. Exclusion da l'examen

Sch'ins fa diever da meds auxiliars nunlubids, sco era sch'ins sa deporta illoialmain vegn ins exclus da l'examen d'admissiun. Sche in candidat u candidata ha gia fatg ina part dals examens na vegnan quellas betg validadas e l'examen vegn considerà sco betg reussì.

13. Communicaziun da la decisiun da l'examen

Tenor art. 14 da l'Ordinaziun davart ils examens d'admissiun succeda la communicaziun davart il resultat da l'examen a las candidatas ed ils candidats en scrit ed exclusivamain da la GRUPPA DIRECTIVA EXAMENS D'ADMISSIUN. Il resultat vegn cuministà emna a la fin dal chalender 13.

14. Ulteriuras infurmaziuns

Ulteriuras infurmaziuns davart ils examens d'admissiun dattan las singulas scolas medias grischunas u il secretariat da la grupp directiva examens d'admissiun (Gäuggelistrasse 7, 7000 Cuira, tel. 081 257 61 69).

Adressas da website dals uffizis respectivs chantunals e da las scolas medias grischunas:

Uffizi per la furmaziun media-superiura
Uffizi per la scola populara ed il sport
Academia Engiadina Samedan
Center da formaziun Surselva
Scola chantunala grischuna
Scola media evangelica Schiers
Institut Otalpin Ftan
Scola claustrala Mustér
Lyceum Alpinum Zuoz
Scola media svizra alpina Tavau
Gimnasi svizzer da sport Tavau

<http://www.ahb.gr.ch>
<http://www.av.s.gr.ch>
<http://www.academia-engiadina.ch>
<http://www.bzs-surselva.ch>
<http://www.bks-campus.ch>
<http://www.ems-schiers.ch>
<http://www.hif.ch>
<http://www.kloster-disentis.ch>
<http://www.lyceum-alpinum.ch>
<http://www.samd.ch>
<http://www.sportgymnasium.ch>